

娑宣滄

羅宗浪

館御

逸製

稿詩歌



19813

滄
浪
權
歌

唐 陶宗儀
錦選 著

中
華
書
局

叢書集成初編

滄浪權歌（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之二

統一書號：一七〇一八·一五一

滄浪樵歌

此據讀畫齋叢書
本排印初編各叢
書僅有此本

滄浪權歌

天台 陶宗儀著
雲間 唐錦選

擬古用陸國隱韻

古人重節義，出處蓋弗苟。而我何爲者，南北事奔走。惻惻懷故里，去去成老醜。富貴不可期，聊以酌我酒。浮雲蔽頽陽，涼颼謝繁綠。氣化相尋繹，百歲一何速。達人意有在，豈復傷局促。且持杯中物，對此離下菊。

擬古用陸國隱韻

王風萎衰周，人紀壞狂秦。大朴變哇淫，雕蟲盡天真。迢迢百世下，禮樂就沈淪。尼父不復作，聖道詎能新。

雜詩

顛倒持太阿，乃以柄授人。人或有所怨，惡事不傷吾身。喟彼秦二世，委政託姦臣。指鹿以爲馬，非是孰敢云。願言把劍者，名器宜自珍。

暮春謠奉和正齋承旨韻

風颺颺，雨蕭蕭。東皇促駕車載膏，墮紅殘萼芳草深。燭香壓地膩不消，繡屏寒逗薰沈腦。愁重燕脂倦梳掃，玉關萬里人未歸。風雨一番春又老。

饒歌鼓吹曲二首

滄浪權歌

至正丙午夏秋之交。彌月不雨。民以菑告。錢唐張堃賓者。得法於靜樂君。禱輒有應。時留松江。郡父老請建壇城北門翼日乃雨。大夫士作爲文章。歌以美之。因製漢鏡歌鼓吹曲二首云。

屢豐年。上帝閔農也。帝德好生。易菑爲祥焉。

屢豐年。羣生熙。瘳我旱。事怨咨。星火烈。螟螣滋。苗而不秀。歲且荐饑。精誠格天聽。允惟念之。命幽靈。擊妖魃。龍膺捷疾。先後馳。金精流光。淫虹糜。四溟霽。澍甘雨。時積水。彌九野。稔而可期。不殄禋祀。上帝是祈。

旱旣甚。張君闡化也。君積功累行。有禱而天應之。

旱旣甚。金石流。苗恙稿。民煩憂。疇能祈天致天雨。日惟張君驗之。屢靈壇。長跪恭進詞。黑札玄文。啟雷祖。閭陽縱陰理。則然吐電鞭。靈一何武。陽烏鬱光。祝融奔淵。龍起蟄。商羊舞。甘澤及我私。田里長驩娛。擊壤歌至正。厥功匪君誰。

郊居次韻張

南村有遺逸。白首軫黎元。平生厭趨競。甘分老丘園。未知軒冕貴。但識網常尊。匪敢異流俗。亦云道所存。縱酒破愁壘。袁茶些詩魂。仰見衝霄鳥。刻刻脫塵樊。俯憐縱鰓魚。戢戢含愁冤。懷哉鹿門龐。以安遺子孫。苟可脫世慮。何辭農事繁。深衷誓毋渝。特此與誰論。

折楊柳送夏西疇謫居大梁

折楊柳。贈君別。楊柳未折心已折。丈夫落落志四方。到此誰能不嗚咽。江南九月天雨霜。鴈聲墮地秋風

長出門行行幾千里。寒煙落日增離傷。令嚴獨許攜家室。藤笈編花載書帙。可憐身上千金裘。阿嬭手縫鍼綫密。吾聞中原百戰餘。民物鮮少城邑虛。君去結廬得幽勝。便可小擬西疇居。荆榛塞路猛虎伏。觸體如山冤鬼哭。願言緩轡毋疾驅。疾驅恐妨傷馬足。折楊柳。歌苦詞。呼酒酌君君莫辭。黃河之水東南馳。人生會合還有時。

憫鶴次韻顧語溪

豪家關池館。千金買猿鶴。青衣職餽緇。雕籠塗粉臙。客有芝田生。飛珮風前落。清類春水鷗。奮若秋天鷲。偶觸虞羅機。遂失雲松樂。翻懷丁令威。流睇青山郭。不乘衛公軒。詎中唐帝綴。滄海幾揚塵。丘陵或爲壑。主翁載馳驅。高情漸衰薄。俄然憂患來。難以談笑卻。玉帛奚足云。繁華頓成昨。宗族永參商。妻孥苦淩虐。出獄遭弊裘。徙邊無遠褒。而汝混蒙葛。編名從寄泊。鍛翮并州刀。驚夢周廬柝。長鳴聊自悲。俛啄亦云怍。雖愁蕙帳空。莫厭鷄羣惡。念彼遠行征。視此更離索。淚落返哺鳥。愁對青城雀。安能招汝遊。吹笙上寥廓。洪武癸丑八月二日與諸暨趙用賓黃漢彰趙自立江陰孫大雅大年丘宗岱程傳可同遊鍾山分韻得落字

韻得落字

鍾山毓靈秀。寶坊炫丹雘。王氣接闔閭。冷飈灑巖壑。泉球石鏤鏘。松籟空中落。吐辭極名理。摘藻騁奇作。嘉會難重期。斯游諒云樂。矢言謝囂煩。永志在寥廓。

題卞莊子刺虎圖

黑風捲沙日色薄。烏黠在原虎共搏。食甘而鬪小虎殂。大虎罷傷殊可縛。莊生瞋目蹈其後。寶劍出匣蒼龍吼。自非館豎有先幾。將恐肝腸膏虎口。哀哉韓魏苦相攻。政墮秦人計術中。生之賈勇未足多。軫也從衡奈爾何。

簡顧秀才

他偏春自勝。市遠客尤稀。草閣開清晝。溪航載落暉。雜花晴蔌蔌。輕燕晚飛飛。問訊東鄰老。還容覓釣磯。

西湖紀興

浩浩春波闊。冥冥夜雨縣。笙歌傳別館。燈火隔疎煙。作客頻遷次。傷時更可憐。明朝晴未卜。還是醉湖船。

五里塘

破屋三家市。扁舟五里塘。亂波浮落照。飢雀聚枯桑。氛祲乾坤戚。兵戈道路長。漂流無倚著。何日定歸鄉。

大明洪武改元以後所作

南村對雨

雨氣連村白。溪流觸岸渾。餘寒欺鳥雀。清潤溼琴尊。脩竹明如洗。長楊翠作屯。草堂初睡起。曳履掩柴門。

和鄭南榮韻

煮茶燒落葉。掃境動閒雲。水涸溪痕見。林疎鹺色分。齋居長自掩。麋鹿動成羣。短屐相遇數。惟應鄭廣文。

癸亥元日

通夕零寒雨。開晨吼朔風。人惟髮樂異。節自古今同。故國丹丘外。浮生白髮中。力田憂水旱。端策問凶豐。

元夕

珂里傳柑日。金吾放仗時。樓臺燈火澹。風雨管弦悲。術眩明皇幸。儀尊太一祠。千年成古蹟。兀坐護齋咨。

題岳王廟

精忠祠宇西湖上。再拜荒祠感昔遊。斷碣草深蒙昊廬。空山日落叫鉤輒。天移宋祚難恢復。帝幸燕雲困虜囚。逆檜陰圖傾大業。昭陵無意問神州。儉安甫遂邦家志。飲痛甘忘父母讎。信使北和憐屈膝。策文南下忍含羞。兩宮五國瞻征幟。丹詔班師下節樓。萬里長城真自壞。中興武績遂云休。烏乎竟死姦雄手。顛沛誰爲社稷憂。黯黯冤魂棲狴犴。紛紛痛哭泣貔貅。唯餘滿地蓑宏血。不見中流祖逖舟。氛氲已盡金匱匿。屍旛旒終換鐵兜鍪。姓名竹帛書千載。父子英雄土一丘。老樹尙知朝禹穴。遺黎猶解說王猷。

曉起

豆苗引蔓上疏籬。桐樹吹花落釣磯。老我田園閒處好。故人書疏近來稀。挂巾蘿薛看雲起。沐髮滄浪待日晞。只怪平生詩癖在。形骸消瘦不勝衣。

題王筠菴水村山居二卷

垂楊舊種成籬落。小徑初開近石缸。夜雨漁舟添箇箇。晴沙鷗鳥下雙雙。夢魂不到鳴珂里。卜築何須濯錦江。沽酒鱸魚從野老。高歌招隱壓新腔。

松杉束屋青。大小猿鶴當階白。晝閒。木客掛人騎虎下。溪童采藥賣琴還。玉笙聲斷雲連席。丹竈光沈月滿關。我欲排楹與鄰竝。掬泉洗耳聽潺湲。

錄宋宮人語

雲護春陰凝薄暉。煙銷燼篆帶餘馨。殘花滿院鶯聲澀。細雨吹簾草色青。丹鳳不來天浩浩。玉簫吹徹淚冥冥。腰肢瘦損真無幾。寧使清心混濁溼。

對月

客子每看酒上月。秋聲漸近竹邊窗。流螢綴衣夜數箇。白鶴聽琴時一雙。甘旨未能娛綵侍。旅愁長是對寒釭。敗牛屋狗誠無媿。附鳳攀龍志未降。

熟食日有懷

去年今日天台路。布轆青鞵捫薜蘿。山鳥亂飛疏雨至。人家閉戶落花多。孤燈容鬢愁中改。千里鄉關夢裏過。江漢悠悠爲客淚。先塋回首倍滯沲。

西湖晚步題湖山堂

短策輕衫徐步穩。平隄落日暮光遲。郎君馬上敲金鐙。官妓船頭唱竹枝。老鶴不歸和靖墓。長林還護鄂王祠。吁嗟人事朝朝異。山色湖光似昔時。

長安市

長安市上多青樓。樓下美人嬌以羞。千金買笑復何惜。萬里作客還自愁。勦業未成慚寶鑑。英雄何服看吳鉤。百年世事如雲雨。老大徒傷易白頭。

九日

江城蹙慘傷秋莫。人事難離感恨長。正苦兵戈依遠道。不堪風雨過重陽。鬢毛垂領蕭蕭短。菊蕊盈枝細細香。妖氣天光兩冥漠。將軍何日定荊襄。

獨坐蒲趙彥徵

豺狼猛噬據荆徐。烽火連雲照玉除。世上小兒皆習戰。江南何地可安居。諸侯控制兵機冗。濫吏誅求國政疏。獨坐小窗情思惡。秋風嫋嫋正愁予。

撓松江

客思東風促去程。沙棠舟小布帆輕。衝人鷗鳥雙雙起。近水桃花樹樹明。故喜吳淞堪寄食。不愁江漢尙屯兵。經綸事業成虛擲。一寸葵心向日傾。

題竄上張元之溪居卷

清溪流水白雲關。處士高標玉筍班。虛館數楹愚剗似。好山十里畫圖間。風前高柳株株弱。沙上羣鷗箇箇閒。莫若汲清□子小。引鷁哺果鳥聲蠻。斫魚自可開尊俎。肅客何妨響珮環。避世武陵同絕境。濯纓還許散襟顏。

次韻邵冠軍客中見寄

重關列戟遲行舟。小雨吹煙凝不流。時逐檄書傳帥命。數呼官酒破詩愁。江城已擊扶搖上。海宇還期汗漫遊。春樹重重雲暮合。懷人多在驛西樓。

皆夢軒爲陳汝嘉賦

北窗高臥義皇上。不比南柯太守衙。塵世蕉陰方覆鹿。山童竹裏自敲茶。黃梁旅邸空仙枕。春草池塘卽謝家。萬事轉頭同一幻。怪來筇管忽生花。

偶成簡錢曲江

坐看涼月上溪樓。桐葉晶熒露氣浮。懸闕近瞻天北極。懷親遙隔海東頭。寓形宇內一身老。濯足滄浪萬里流。安得神鷗駕輕轂。白雲直下卽丹丘。

寄贈葉子徵

平生不受官長罵。結屋乃在深郊居。田無二頃每種秫。日有一錢惟買書。養親上堂具甘旨。留客煮飯挑嘉蔬。憐君行義有如此。名譽豈肯終閭閻。

次韻謝士英

郊原十里非凡境。屋宇無多似瀟西。新竹長來吟徑小。綠楊缺處畫橋低。茶浮石鼎兒新煮。詩滿雲箋手自題。乘興看山出林麓。短筇一箇影清溪。

春雨初晴沈野亭見訪

九十日春渾有幾。相將一半雨兼風。草堂晴旭生虛白。花徑兒童掃落紅。漫喜故人來泗北。更期後夜宿山中。青鞵布韞須吾輩。百徧相過意未窮。

次韻夏士□戶侯

竹裏芽莢白板扉。興來隨意臥牛衣。天龍平野前山遠。水拍危橋過客稀。釣罷得魚沽酒去。雨餘種豆荷鋤歸。故人卻在城南住。日日清觴四座飛。

秋懷次夏停雲韻

妖氛瀟洞逼京華。將略時無李左車。休唱貞元供奉曲。似聞商女後庭花。職方未復江南貢。使者空乘海上槎。自古和邊真拙計。卻令紅粉泣琵琶。

送陳平仲

我居巷南子巷北。同是挈家來避兵。故園荆榛已能理。遠道虎豺那可行。老懷作惡輒數日。寒溪送別傷離情。未知後會更誰好。斫鱸且醉雙銀罍。

讀史次謝元素韻

長時讀史白雲西。往事許來手自題。亮也已亡誰相漢。單云多智國存齊。百川行地終歸海。五緯經天未聚奎。堪歎洛陽宮外路。銅駝荆棘夜烏啼。

樂靜草堂爲衛叔靜賦

屋繞夫容九疊屏。日長客去掩閒庭。巖花暖傍疎簾落。階草晴分汗簡青。溫火試香刪舊譜。汲泉煮茗續遺經。江南定有徵賢詔。大史方占處士星。

次韻答楊廉夫先生

移家正在小斜川。新買黃牛學種田。奏賦不騎沙苑馬。懷歸長夢瀾江船。窗浮爽氣青山近。書染涼陰綠樹圓。樂歲未教餅有粟。全資芋栗應賓筵。

夜坐

披衣散髮坐南榮。漏點遲遲欲二更。風約沼萍雲影澹。月棲徑竹露華明。石牀涼意浮珍簟。寶鼎沈煙噴玉笙。世慮不關心似洗。此身只覺在蓬瀛。

梅花鵲

溪北溪南十萬枝。洞門深鎖幾人知。月香水影無多語。姑射羅浮自一奇。千里喜傳春信早。孤筇偏愛夕陽遲。殷勤更入坡仙詠。共補辛夷別墅詩。

守歲次韻謝高潔

明日五更纔是春。坐深不覺漏聲頻。風塵瀟洞向今夕。燈火團圓幾幾人。老去清霜吹鬢髮。愁來雙淚落衣巾。乾坤納納皆兵甲。何處溪山著此身。

趙海寧長松高士圖

春雷喚起蒼龍墊，鱗甲蜿蜒雲氣溼。道人長鑱斲茯苓，半天風雨山精泣。

暮春雜興次顧君舉韻

漁父鯉魚長尺半，捉搦不受人家喚。當遣解縛換酒歸，爛醉滄江杏花畔。

趙待制山水

山外溪平不肯流，山前喬木易知秋。水精宮裏清幽地，不信無人著釣舟。

侯仲治風雨歸莊圖

黑雨橫江天漠漠，饑蚊怒吼驚濤作。扁舟冒險且歸來，正恐耶朝風更惡。

清曉過南屏

漏盡銅虬夜未闌，曙星炯炯碧雲端。馬頭籠燭衝寒去，直過南山第二關。

宮詞三首題王叔明士女

閣門傳詔口龍池，宮漏穿花月上遲。準擬承恩供奉處，縷金團扇乞新詩。

大家妝著闌時宜，等候君王看月歸。三十六宮清夜永，幽情不許外人知。

水晶別殿十分涼，金碧平橋近建章。直罷歸來成小立，花深驚起宿鴛鴦。

題張渥湘妃鼓瑟圖

朱弦促柱鼓湘靈。霧鬢風鬟下紫冥。萬頃碧波明月裏。曲終惟見數峯青。

詞附

南浦

會波村在松江城北三十里。其西九山矗立。若幽人冠帶拱揖狀。一水並九山南過村外。以入海而滄陰。竹樹間。舊時桃花盛開。雞犬之聲相聞。殊有武陵風。壁隱者。停雲子居焉。一舟曰水光山色。時放乎中流。或投竿。或彈琴。或呼酒。獨酌。或哦咏陶謝。草。吟詩。殆將與子。名相忘。當坐余舟中。茗供。纏抱清曠。不覺度成此曲。主人靜謐。入中呂調。命洞簫吹之。與功波。子權歌相答。極調。

如此好溪山。羨雲屏九疊。波影涵素。暖翠隔紅塵。空明裏。著我扁舟容與。高歌鼓枻。鷗邊長是尋盟去。頭白江南看不了。何況幾番風雨。畫圖依約天開。蕩清暉。別有越中真趣。孤嘯拓蓬窗。幽情遠。都在酒瓢茶具。水蕩搖晚月明。一笛潮生浦。欲問漁郎無恙否。回首武陵何許。

一萼紅 賦紅梅次郭南湖韻

水雲鄉。又南枝逗煖。綽約漢宮妝。春豔橫分。朱鉛淺試。翠袖獨倚脩篁。想應道東風料峭。翦霞彩。零亂補綃裳。勾漏尋真。丹丘授訣。傲睨冰霜。畢竟孤標還在。縱天桃繁杏。難侶寒香。瑪瑙坡頭。珊瑚樹底。江南別是風光。且莫倚高樓玉管。怕輕盈飛處。誤劉郎。依舊小窗疎影。淡月黃昏。

露華 賦碧桃用南湖韻

武陵夜寂。記露影璇空。一笑曾識。素臉暈鉛。巧把黛螺輕繫。莫是歌渡煙江。浣卻舊家顏色。還又訝深宮紺綉。睡花猶溼。問他阿母消息。甚落寞。梨雲青鳥難覓。不比錦紅輕薄。容易狼籍。嫩綠護出溪頭。誰顧

采香仙客春晚也。頻溫玉笙是得。

念奴嬌 九日有感次友人韻

黃花白髮。又恁恁佳節。感今懷昔。雨覆雲翻無限態。故國寒煙榛棘。杜老漂零。沈郎瘦損。此意天應識。劉然長嘯。不知身是孤客。呼酒謾拔清愁。玉奴頻勸。兩臉添春色。眼底平生空四海。倦拂紅塵風幘。戲馬臺荒。登龍人老。往事休追惜。山林無恙也。須容我高屐。

木蘭花慢 次胡筆峯遷居韻

占中山一隅。雲旖靄。水縈紆。便小理蔬畦。深鉅菊圃。細斃花衢。平生幾番卜隱。到而今方稱列仙臚。問字溪翁載酒。執經弟子將車。猗歟心迹混樵漁。安用絕交書。向石上圍棋。松陰搗藥。樂意偏殊。當年輞川圖畫。有秋泉如此更何如。旋買良田種秫。只知吾愛吾廬。

月下笛 賦落梅

東閣詩慳。西湖夢淺。吾音難託。香銷玉削。早孤標、頓非昨。阿誰底事頻橫笛。不道是江南搖落。向空階聞砌。天寒日暮。病鶴輕啄。情薄東風惡。試快覓飛瓊。共翔寥廓。冰魂漠漠。謾憐金谷離索。有時巧綴雙蛾綠。天做就宮妝綽約。待一點脆圓成。須信和羹問卻。